



حزینہ عظیمی

۱۲۹۰

✽ صالی ✽

نومرو	جمادی الآخره	سنه	مايس	سنه	صحيفه
۴۷	۲۳	۱۲۹۷	۲۰	۱۲۹۶	۳۶۹

47

✽ اشبو غزته بهر هفته صالی کونلری چیقار . سنه لکی التمش غروش و بهر نسخہ سی التمش پاره ✽
 ✽ مجیدیه اوله رق هر یرده صاتیلور . درج اولنه جق اعلاناتک بهر سطرندن ایکی غروش النور ✽
 ✽ سنه لکنه مشتری اولق استیانلر عدایه نظارت جلیله سی اوراق مدیر لکنه مراجعت ایتلیدر ✽

زیاده توقیف ایدن مدعی عمومی و معاونتک شدیداً
 مسؤول طو تلسیله تعویق مصالحدن طولانی ترتب
 ایده جک ضرر و زیانک دخی سبب اولنلره تضمینی کبی
 تدابیر قطعیه اتخاذه مقرر اولدیفنک محاکم استینافیه
 مدعی عمومی و معاونتک واسطه سببه بدایت محکم لری
 مدعی عمومی معاونتکینه و صورت مذکوره احکامنه
 توفیق معامله ایتیانلری مقام نظارته بیلدیرملری
 و بویابده تسامح کوسترنلرک وقوعه جق تاخراتک
 مسؤلیتنی درعهده ایتمش عد اولنه جق لرینه نظرا ایقای
 وظیفه امرنده کمال دقت و بصیرت اوزره بولمیلرینک
 اخطاری لزومک محاکم نظامیه رؤسائنه دخی
 تبلیغی خصوصی امور حقوقیه مدیریتندن افاده
 و ایجابی اجرا قلمش اولغله اولوجهله ایقای
 مقتضایی سیاقنده

(عدلیه نظارتندن فی ۱۱ ج سنه ۹۷ تاریخیه)
 (بالجله در سعادت محاکم نظامیه سی رؤسائیه مدعی)
 (عموم لرینه یازیلان تحریرات صورتیدر)
 محاکم نظامیه نک تشکیلاتی قانونک التمش بشنجی
 ماده سننده مدعی عمومی لریک دعاوی حقوقیه دن
 مداخله ایده بیله جکاری مواد تعیین و التمش یدنجی
 ماده سننده دخی مدعی عمومی لریله معاونتکینه اوراقی
 تبلیغ اولنان دعاوییه مداخله ایدوب ایتیه جکنی
 نهایت ساکز کون ظرفنده تحریر اریس محکمه یه
 بیان ایده جکی قیدی درج اولدیفنی حالده مدعی
 عمومی لریله معاونتکینه و یر یله کلان اومقوله دعاوی
 اوراقی برچوق و قتلر معامله سز قالدیفنی و حتی ایچندن
 بعض ضایعات دخی وقوعه بولدیفنی صورت مخصوصه ده
 اجرا اولنان تحقیقاتدن منقهم اولوب مصالح عدلیه نک
 تأمین حسن جریان مقصدیه وضع اولنان قواعدک
 نتایج معکوسه حصولی مؤدی بر صورتده استعمالی
 شایان تأسف اولدیفندن بعدازین ذکر اولنان التمش
 یدنجی ماده حکمنجه و یر یله جک اوراقی

(فی ۱۹ را سنه ۹۷ وفی ۱۸ شباط سنه)
 (۹۵ تاریخیه محکمه تمیز حقوق دائره سنندن)
 (ویریلان اعلامک صورتیدر)


عالمی خاننده مقیم نچاردن احمد غالب افندی



ایله سینه خاندنه ساکن صماقوی یورکی علساندری
 پینده اولان دعوایه دأر محکمه استینافی تجارت
 قسمندن تنظیم اولنان ۶ شوال سنه ۹۵ تاریخلی
 اعلامک تمیزارویت و تدقیق مومی الیه احد غالب
 افندی طرفندن محکمه تمیز حقوق دأر سنه اعطا
 قلنان عرضحال و متفرعانده استدا و عاشر افندی
 خاندنه قرق بر نومروی او طهده مقیم تجارتدن
 حسین مهر یله محتوم و مصدق کفالتنامه اعطاسیله
 شرائط تمیزیه جمله سندن اولان تأمینات دخی ایفا
 قلمش اولدیغی و متعاقبا مدعی علیه مرقوم یورکینک
 دأر مه بالراجعه وقوعبولان طلبیله تنظیم اولنان
 احضار بوصله سی علی الاصول افندی مومی
 الیهک تمیز استدا نامه سنده تعیین ایلدیکی
 اقامتگاهنه تبلیغ و یازنجیسی عبدالعزیز افندی به امضا
 ایتدیلدیکی حالد تعیین اولنان کونده کلدیکی
 کبی طرفندن بروکیل دخی کوندر مامش اولدیغنه
 ومدعی علیه مرقوم یورکی کله رک حکم نظامک
 اجراسنی طلب ایلدیکنه بناء اصول محاکمه نظامنامه
 سنک التمش سکرنجی ماده سی موجبجه تدقیقات
 تمیزیه اجرا قلمه سزین مستدعی مومی الیه احد
 غالب افندیکنک تمیز استدا سنک ردینه قرار ویر یله رک
 ۲۷ جسانی الآخره سنه ۹۶ تاریخله بر قطعه
 اعلام غیابی تنظیم و اعطا قلمش ایدی بونک اوزرینه
 مومی الیه احد غالب افندی طرفندن اعتراض علی
 الحکم عرضحالی اعطا ایداش و دعوت واقعه یه مبی
 معترض مومی الیه جانندن مصدق سندله اقریاسندن
 یازنجیسی عبدالعزیز افندی و کالاه و مدعی علیه یورکی
 اصالة کله رک وکیل مومی الیه عبدالعزیز افندی
 حائر اولدیغی مآذونیت وجهله طرفندن اسماعیل
 حق افندی بی مجالاً توکیل ایدوب مذکور اعتراض
 علی الحکم عرضحالک دخی مدت قانونیه سی طرفنده
 ویرلیدیکی لدی التدقیق اکتلاش اولدیغندن طرفین

مؤخر مدعیکنک خدمتنده بولنان فوطی و مصطفی
 قبودانلره ویرمش و سهوا الاجنی میانه ادخال
 ایدلماش اولان اوچیوز قرق چکی خطبک ائمانی
 بولنان ایکینیک درتیوز التمش ویدی بیک قیه کور
 بهاسی اولان ایکینیک درتیوز الی غروشکه جمعاً
 یکر می سکر بیک اوچیوز اوتوزایکی غروشک مع فائض
 الویرلسنی ادعا و مکتوب مذکور ابراز ائتمسی
 اوزرینه مدعی احد غالب افندی وکیلی مصطفی
 و فوطی قبودانلره ویرلیدیکی بیان اولنان کور و خطب
 حقهده معلومات بولمادیغندن بو خصوصه دأر
 موکلندن معلومات التی اوزره امهال اولمسنی طلب
 ایش اولدیغی و اولوجهله وکیل مرقومه مهلت
 ویرلیدیکی حالد مؤخر و قوقبولان دعوته کورک
 مومی الیه احد غالب افندی و ککیلی طرفلرندن
 اجابت اولمامسندن ناشی ذکر اولنان یکر می سکر
 بیک اوچیوز اوتوز اوج غروشک تحت حجزه التمش
 اولان خطبک فروختیله ائمان حاصله سندن استیفاسی
 ضمنده حجز واقفک تصدیقنه و افندی مومی الیهک
 یازمش اولدیغی مکتوب خطبک تسلیمه مانع
 اولدیغی جهتهله ضرر و زیان حقهده کی ادعاسنک
 ردینه غیاباً حکم و قرار ویرمش و اولسایده تنظیم
 قلنان اعلام علیهنده مومی الیه احد غالب افندیکنک
 وکیلی طرفندن اعتراض علی الحکم عرضحالی اعطا
 ایدلمسینه تکرار اجرا قلنان محاکمه لرنده وکیل مومی
 الیه مرقوم یورکینک ادعا ایتکده اولدیغی اوچیوز
 قرق چکی خطب ایله بیدی بیک قیه کوردن موکلنک
 بالکر ایکینیک یوز قیه کور مأخوذی اولوب اندن
 فضله کور المدیغنی و ابراز اولنان مکتوبدن بر نتیجه
 حاصل اولمه یه جنی جهتهله ضرر و زیان دعوازلینک
 یکیدن تدقیقنی ادعا و مرقوم یورکینک وکیلی
 جانندن افندی مومی الیهک مذکور خطب ایله
 وکیلنک اقرار ایلدیکی کوردن فضله مأخوذاتی

اولدیغنه دأر اجرای تخلیفی طلب ایدلمسینه مقابل
 موکلنک عین ایده چکی وکیل مومی الیه افاده و انبا
 ایدرک محکمه جه دخی ویریلان قرار موجبجه
 امر تخلیفک اجراسی ضمنده محکمه استینافییه
 تذکره یازمش و مومی الیه احد غالب افندی اوراچه
 جلب و دعوت ایدلمش ایکن اجابت ایتمه رک عیندن
 استنکاف ایلدیکی کبی اخیراً تبلیغ و امضا ایتدیریلان
 احضار بوصله سی اوزرینه دخی یوم معینده نه
 کندوسی ونهده وکیلی حاضر بولمش اولدیغندن
 مرقوم یورکی وکیلنک طلبنه و اصول محاکمه تجارت
 نظامنامه سنک سکان دردیجی ماده سنه ابتداء بعدما
 قابل اعتراض اولماق اوزره حکم غیابی مزبور
 تصدیق قلمش اولدیغی حالد مومی الیه احد غالب
 افندیکنک اقامه ایلدیکی استیناف دعواسی اوزرینه
 استینافی تجارت قسمنجه طرفین محاکمه و مواججه
 ایلدکدن و افندی مومی الیهک عند الاستیناف
 مبلغ محکوم به ایچون کفالت اعطا ایتمسندن ناشی
 طرفینک قبول و موافقیله مرقوم یورکی جانندن
 ایقاع اوانوب درجه اولی محکمه سنجه تحت تصدیقه
 التمان حجزه فکنه و تکلیف ایدیلان عینک اجرا
 سیچون محکمه یه کیدیله مامسی نکول دیک اولدیغی
 بیانیله مومی الیه احد غالب افندیکنک قبولنه مقارن
 اجرای تخلیفی لزومنه قرار ویر یله رک موجبجه
 محکمه استینافی حقوق قسمنده مومی الیهک تخلیفی
 اجرا ایتدیردکدن صکره جریان ایدن تدقیقات
 و تکریر ایدیلان محاکمات نتیجه سنده مرقوم یورکینک
 تسلیمنی ادعا ایلدیکی اوچیوز قرق چکی خطب ویدی
 بیک قیه کوردن مومی الیه احد غالب افندیکنک بالکر
 ایکینیک یوز قیه کور مأخوذی اولدیغی اجرا قلنان
 تخلیفیله تبین ایتمش اولسینه درجه اولی اعلامک
 عین جهتنک اصلاحیله تصدیقنه و اعلام مزبور
 ایله محکوم اولان یکر می سکر بیک اوچیوز اوتوز



ایکی غروشدن افندی مومی الیهک اخذ و قبض
ایندیکی تحقق ایدن اوچوز قرق چکی حطب و درت
یک طقوز یوز قیه کور امانی اولان درت بیک یوز
یتش بش غروشک تنزیلدن صکره باقی قلان یکر می
درت بیک یوز الی یدی غروشک فائض نظامیسه
(بقیه سی صکره)

(قرق بش و فرق التجی نومر ولی جریده)
(محاکمه مندرج نظامنامه نیک بقیه سی)

ماده ده محرر اولدیغی وجهله اوزرلینه یافته وضعیله
عمل مخصوصنده حفظ ایدیه جک و کندولری
حقلنده دخی تدابیر تنظیمیه اجرا اولدقدن صکره
حبسخانه البسه سی کیدریله جکدر

الی طقوزنجی ماده هر محبوسک یتاغی اوتدن
پردوشک و بریصدیق و بر زراع اعشاری یعنی بر مترو
ایله التمش عشر زراع یعنی التمش ساتمترو طولنده
اوله رق هر آیدیه بر کره یبقاندیر یلور بر چارشب و بر
بورغاندن عبارت اوله جقدر و بو اشیا اسکیدیکه
مدیرک و بره جکی تقریر اوزرینه عدلیه مقتضای
طرفندن بالمعاینه تجدید قلنه جقدر
التمشنجی ماده حبس جزاسیله محکوم اولنلر
ملبوسات و یتاقلرینی کندو طرفندن تدارک ایدیه
جکلردر

(خسته خانه ایله خسته لک یتاغی و ما کولاتی)
التمش برنجی ماده هر حبسخانه ده خسته لک
تداویسه مخصوص برداره بولنه جق و قادینلرک
دائرة سی آرو اوله جقدر

التمش ایکنجی ماده محبوسیندن خسته بولنانلر
مدیر و سرغاردیانک اخباری اوزرینه طبیب طرفندن
ویریه جک راپورط موجبجه خسته خانه یه نقل
ایتدیر یله جکدر
التمش اوچنجی ماده خسته کانک یتاقلری بر مندر ایله

برشته و بریصدق و بر یتاق چارشبی و ایجابیه
کوره بر و یا ایکی بورغاندن عبارت اوله جق و مندرک
اوتی و شلته نیک پانوغی طبیبک تنسیب ایدیه جکی
وقتدرده و وفات وقوعنده هر حالده کشدیر یله جکدر
محبوس متوفانک شلته و بصدق و بورغانی حلاجیه
ویریلوب ایتدیر یله رق یوزر یله چارشبی یبقاندیر لمد قج
استعمال اولتمیه جقدر

التمش دردنجی ماده خسته خانه ده بولنان محبوسینک
یمکی طبیبک ترتیبی اوزرینه ویریه جکدر
(توفیقخانه و حبسخانه لده کیجه یتاقلر قندیلار)

التمش بشنجی ماده حبسخانه لک هر قغوشونده
و ایدستخانه لده بر ولزومنه کوره ده ازیاده اصمه قندیل
یا قیله جقدر وقیش کونلرنده لزوم کورندیک حالده
صوبه دخی وضع ایدیه جکدر

(مواد شتی)

التمش التجی ماده ما کولات و البسه و یتاقلق
وجامه شوی و یا قیله جق اودون و کور و بوکا مثل
حبسخانه لجه وقوع بوله جق عمومی و خصوصی
مبايعاتک مقاوله نامعلری درسه اعدتده انجمن اداره
عدلیه و طشره لده محاس اداره و عدلیه مقتضای
معرفتیله مناقصه صورتیله قرار اش ایتدیر یلور اجرا
اولنه جقدر

التمش بدنجی ماده محبوسینه صانتلی مجاز اولان
ارزاق و سارنه نیک فیئانی مین هر اون بش کونده
بر کره دائرة بلدییه طرفندن بر جدول ترتیب
اولنه رق توفیقخانه یه تعلیق قلنه جقدر

التمش سکرنجی ماده جنایت و جنجه و یا قباختدن
طولانی محکوم اولدقلری حالده مصارف دعوی ایله
جزای نقدی جهندن طولانی خزینه میریه مدیون
اولنلرک امر اعاشه لری حبسخانه ده جاری قاعده
عمومییه تابع اوله جقدر فقط دینی ایفا ایتدیکه

محبوسین سارنه مثل او خارجدن کندو افجه سیله
برشی الیه جقدر

دردنجی فصل

(محبوسینک چالش دیرامی)

التمش طقوزنجی ماده هر حبسخانه ده محبوسین
محکومه دن هیچ بری ابشسز قالمیه جق صورتده
عملیات ترتیب اولنه جقدر عملیاتک صورت ترتیب
واصول حسابیه سی اون بدنجی و اون سکرنجی
ماده لده تعریف اولدیغی اوزره حبسخانه مدیرلی
طرفندن قرار اش دیر یله رق عدلیه مقتضایرینه
ییلدیر یله جکدر

یتمشنجی ماده بلاعذر مقبول چالشقندن قاچق
ایستیان مجرم محکوم یکر می درت ساعتدن بر هفته یه
قدر تنفسه چیقارلقدن محروم بر اقبیله جق و تکرری
حائنده جزای مزبور تضعیف ایدیه جکدر

یتمش برنجی ماده هر محبوس حبسخانه ده بولندیغی
مدتیجه چالشقنه مجبور اوله جقدر فقط موقوف
بولنان مظنون علیهم ایله حبس جزاسیله محکوم
اولنلردن جانب میریدن اعاشه اولنمیانلر چالشق
بختنده مختاردرلر

یتمش ایکنجی ماده مجرمین محکومینک عملیاتندن
حاصل اوله جق افجه نیک نصنی ما کولات و ملبوسا-
تلرینه و طرف دولتدن ایدیه جک مصارفه قارشواق
اولنق اوزره تنزیل ایدلدکن صکره باقیسی ایجاب
ابتدیکه کندولرینه تسلیم اولنق اوزره حبسخانه
دبوینده حفظ ایدیه جکدر و بونک ایچون اون
سکرنجی ماده موجبجه صورت مخصوصه ده دفتر
طوتیله جقدر

بشنجی فصل

(موقوف و محبوسین حقنده جاری مواد عمومی)
یتمش اوچنجی ماده حبس جزاسیله محکوم اولنلر
ایله متهمین و مظنون علیهمک قغوشلری بشقه

بشقه اوله جق کبی حبسخانه عمومیلرده اون سنه یه
قدر کورک جزاسیله محکوم بولنانلر ایله مؤبدلرک دخی
قغوشلری بشقه اوله جقدر و مسافر بولنان
محبوسلر دیگر محبوسلر ایله اختلاط ایتدیر یله جکدر

یتمش دردنجی ماده هر بر محبوس آرو یتاقلده
یا توب یا نه جق وقت البسه سی چیقارمغه مجبور
اوله جقدر

یتمش بشنجی ماده بر صنفه عائد محبوسین برابرجه
بر حویلده کزه ییله جکی کبی عملیات اوطه لرنده
وقغوشلرده دخی طو پلانیه یله جکلردر

یتمش التجی ماده موقوفین و محبوسینک تملقاتندن
اولنلر ایله اوتوز طقوزنجی ماده ده محرر مقاماتدن
امر تحریری التمش حبسخانه مدیرینک رخصتیله انجق
مکالمه اوطه سننده و یا خود تخصیص اولنه جق
بر محله و غاردیانلر مواجهه سننده قونشه ییله جکلر
و هر حالده کورشمک ایچون حبسخانه یه کلنلر محبوسین
ایله یوب ایچه میه جکلردر کوریشیله جک وقت و ایام
ایله مدت ملاقات حبسخانه مدیری طرفندن تعیین
اولنه جقدر

یتمش بدنجی ماده سابقه لو طاقندن وضابطه جده
سوه احوالی مثبت اولان اشخاصک خارجدن محبوسین
ایله کورشملری ممنوعدر اصول و فروعدن اولان
اقربازلر و صیبری مستنادلر

یتمش سکرنجی ماده مظنون علیه اولوب کیسه ایله
اختلاط ایتدیر لمامک اوزره تحت استنطاقده بولنان
موقوفین مستنطق طرفندن رخصت اولدقجه
کورلییه جکدر

یتمش طقوزنجی ماده بالجه حبسخانه ما مورلرینک
محبوسیندن کرک دخول و کرک خروجلرنده بخشش
ونام دیکرله برشی طلب و اخذ ایتلری قطعیا ممنوعدر
سکسانجی ماده محبوسین حبسخانه نیک حسن

انتظام و انضباطنه و نظامات و تعلیمات مرعیه احکامنه متعلق كافة موادده حبسخانه مدیرینه و زاردیانله اطاعته مجبوردرل

سکسان برنجی ماده هر مجبوس یتاغنی کندوسی یا پوب قالدیرمغه و او طه سنی و یا خود قغوشده کی محلی دائمی صورتده حال نظافتده بولندیرمغه مجبوردر قغوشلر و دیوانخانهلر مجبوسین طرفندن مناوبه سو و پوربلوب یقانه جقدر محکوم اولان مجرمین حبسخانه نک تنظیماتیله امور صحیه به دار کندولرینه امر اولنه جق هر کونه خدمتی مناوبه اوزرینه ایفایه مجبوردرل

سکسان ایکنجی ماده توقیفخانه و حبسخانه لده هر کونه اعبیات و مسکرات و قمار او یونی قطعیا ممنوعدر

سکسان اوچنجی ماده آلات ضار به و جارحه و بوکا مماثل سائر شیلرک توقیفخانه و حبسخانه لره دخولی قطعیا ممنوعدر

سکسان دردنجی ماده موقوفین و مجبوسین ایچون بوکسک صدا ایله چاغروب باغرمق و کورلای ایله اجتماع ایتمک و هیئت مجتمعه ایله استدعا تقدیم ایتمک ممنوعدر مجرمین محکومین منفردا و متحدا قغوشلرده و تنفس محلده بررلرینی اولدیررجه سنه ضرب و جرحه جرأت ایتدکلری و یا خود هر صورتله اولور ایسه اولسون فرار ایتمک قصدنده بولندقلری وسائر درلو فئالقله اطاعت ایتدکلری و اوچ دفعه اخطارات مقتضیه اجرا اولنوبده اطاعت ایتدکلری تقدیرده قوه مسلحه طرفندن سلاح استعمالیه منع اولنه جقدر

سکسان بشنجی ماده سکسان دردنجی ماده نک غیری احوالده توقیف و حبسخانه ده جاری وهرعی اصول و قواعدده مغایر حرکتده بولمائلر ایچانه کوره بنفسیه چیمه قیدن وسائر ایله کورشمکدن و مخایره

ایتمکدن و لاجل الامانه خارجدن کندوسنه و یریه جک اشیایی قبول اید بیلکدن قسما وید کاملا و عملیات واقعه سی حاصلاتندن و یا لکز کندوسنه صو و ناز عزیز و یریه رک تعینات مقننه دن محروم ایدیه جکی کبی اصول محاکمات جزائیه قانون مقتنک درتوز الی سکرنجی ماده سنک فقره اخیره سنه بیان اولشان احوالده تیموره دخی اوریه جق وهر حالده حرکات واقعه سندن طولایی برکونه خسار و زیارت ترتب ایتمش ایسه کندوسنه تضمین ایتدیریه حکدر اشبو صور ترتیبیه قانونا تزید مدتی مرجب اولیه جق او یغونمزلفدن ایسه حرکات واقعه سنک درجه سنه کوره یکر می درت ساعتدن یکر می بکونه قدر امتداد اید جقدر و مکررلر حقنده اشی جزا ایکی قات اجرا اولنه جق و ایچانه کوره کندولرینه یرلمکده اولان اوچبوز درهم اتمک تدریجا یوز درهمه تنزیل اولنه جقدر (مظنون علیهم ایله متهمین حقارنده قواعد)

(مخصوصه)

سکسان التنجی ماده موقوفین و مجبوسیندن مضمون علیه و یا متهم بولمائلرک اختلاط و مخایرلری خنده حبسخانه نک حسن انتظامنه خلل کتورلیه جک هر کونه تسهیلاتک اجراسی جائز اولوب هر فده وکیلارینی تعییننده کندولری مختار اولدقلرندن دو بجه مآذون اولان محلی دعوی وکیلارینک برقطعه اسامی دفتری تنظیم اولنه ورق هر حبسخانه ده تعلیق ایله جقدر

سکسان یدنجی ماده هیچ بر مظنون علیه و یا متهمک چیننده یکر می بش غروشدن زیاده پاره بولتمیه حق و بولندن فضله سی و ارایسه غاردیانه تسلیم ایدیب اودخی درحال دفتر مخصوصنده مندرج حسبه قید ایتمک مجبور اوله جقدر

(محکومینه مخصوص بعض قواعد)

سکسان سکرنجی ماده مجرمین محکومین حبسخانه نظامنامه سنجه معین اولان حدود و احکام داخلنده اوله ورق کندولرینه کندولر یه جک مکاتبه ایله خارجدن کلان اعاناتی قبوله مآذوندر

سکسان طقوزنجی ماده مجرمین سکسان سکرنجی ماده ده بیان اولشان حدود و احکام داخلنده اوله ورق عملیات واقعه لرینک حاصلاتندن و یا کندو احبها و اقربازینک اعاناتندن تراکم یده جک آنچه دن طلب ایتدکجه سکسان یدنجی ماده و وجبجه اعطافکنه جقدر

طقساننجی ماده اون سکز یاشنی تکمیل ایتماش اولان چوجتسار موقوف بولندقلری حالده کیچه وکوندز سائر مجبوسیندن بتون بتون آیری بر محله قامه ایتدیریه جقدر

فصل النجی

(بعض مواد متفرقه)

طقسان برنجی ماده مجرمین محکومینک کافه سی اوقات معینه سنده دینی و آیدیلرینی ایفایه مجبوردر

طقسان ایکنجی ماده هر حبسخانه ده مجبوسلرک استعمالی ایچون بر قاج کتاب بولنوب بولنرک نوع و جنسی مدیر طرفندن انتخاب و تعیین اولنه جقدر

طقسان اوچنجی ماده مجبوسیندن مرهقین بالجبوریه و ماعداسندن مدیرک تنسیب ایدیه جکی مجبوسینه امام و مأمورین روحانیه طرفندن درس و یریه جقدر

طقسان دردنجی ماده حبسخانه ده موجود مجرمینک اخلاقی معین عدلیه نظارتی طرفندن و یریه جک نمونه وجهله مخصوص بر سجل اخلاق طوبیله جقدر و دفتر مذکوره حبسخانه مدیری و سرغاردیان و امام و مأمورین روحانیه او مجبوس

حقننده ملاحظات و مشهوداتی قید و اشارت ایدیه جقدر در

طقسان بشنجی ماده مجبوسیندن و قیات و قوعنده مدیر طرفندن و یریه جک ژورنال ایله طبییک راپور طی حبسخانه نک بولندیقنی محله کی بدایت محکمه سی طرفندن بر مضبطه ایله عدلیه نظارتنه تقدیم اولنه جقدر

طقسان التنجی ماده محکومیندن هر سنه مدتی عرض و ادبیه اکیال ایدنلر دفتر مخصوصنه قید اولنه جقنی کبی قولرینه بر علامت امتیازیه تعلیق فانه جقدر

خاتمه

طقسان یدنجی ماده اشبو نظامنامه عمومیته مجبوسین محکومه حقارنده محرر مکافات و مجازات بندلرینک بشقه جه برر کاغده چیقار یله ورق لوحه شکلنده قغوشلره تعلیقنه حبسخانه ل کاتبلری مجبوردرل فی ۱۱ جمادی الآخره سنه ۹۷ و فی ۸ مایس سنه ۹۶

اعلامات

بزرگی انشطاشک حاجی انستی به اولان محکوم به دینندن طولایی نفس قرتال قضاسنده چنار زقا فنده بش نومرولی بر باب بزر خانه نک مدیون هر قوم عهده سنده بولشان نصف حصه سنک فروختی مقرر اولغله تاریخ اعلاندن اعتبارا اون بش کون صکره مزایده سنه مبادرت اولنه جفندن طالب اولنلرک اسکدار اجرا دائره سنه مراجعت ایتلری اعلان اولنور

فاطمه زهرا خانمک اسعد انما ذمتده محکوم به الاجتی اولان مبالفک تأمین استیفاسی ایچون داینده هر هونه ایکی عدد روزه طاشلی منکشه ایکنه نک طقسان التی سنه سی مایسنک یکر می بشنجی جه

ایرتمی کونی ساعت یدی راده لرنده در سعادت اجرا
 دائره سی معرفتیه قیومچی چارشوسنده فروخت
 اولنه جنی اعلان اولنور

متوفی دیشلی اوغلی قره بت ورثه سی و کیلی و مخدومی
 سرکز افندینک بیرام زاده کریمه سی جیلده خانم ذمتده
 ۹۶
 ۶۸
 نومرو لی اعلام موجبجه مطلوبی اولان مبالغ
 معلومه نك تسویه سی ضمنده مدیونه مزبوره نك قاسم
 پاشاده قولاقسز محله سنده ۹۸ نومرو ایله مرقم
 متصرفه اولدیغی قولاقسز حمانك نصف حصه
 شایعه سنك فروختی مقرر بولندیغندن تاریخ اعلاندن
 اعتبارا اون بش کون صکره بالرایده فروخت
 اولنه جنی بک اوغلی بدایت محکمه سی اجرا ماموریتی
 طرفندن اعلان اولنور

باندرمده سابق صندوق امینی مصطفی افندینک
 کونان اعشارینه اولان ذمت میریه سنندن طولانی
 باندرمده حیدر چاوش محله سنده متصرف اولدیغی
 مجدد خانه سی و دیگر خانه سی و خانه عرصه سی
 و تیمورچی چارشوسنده کی دکانی و کونان بولنده کی
 طوت بقیچه سی و صغیر بولنده که زیتونلغنک تاریخ
 اعلاندن اون بش کون صکره یعنی حز برانک برنجی
 صالی کونی ساعت التي راده لرنده باندرمه محکمه
 بدایتی اجرا دائره سننده بالرایده فروختی مقرر
 اولدیغندن طالب اولنلرک دائره مرقومه به مراجعت
 ایلمری اعلان اولنور

مصرلی نشأت بکک قاضی قریه سننده مقیم عزتلو
 طاهر افندی ذمتده با اعلام الاجنی بولنان مبالغه
 مقابل وکالت دوریه ایله مرهون اوایوب فروختی
 مقرر اولان قریه مذکورده عثمان انا محله سننده
 حیدر پاشا اسکله سی جاده سننده طقوز نومرو ایله

مرقم بر قطعه عرصه ایله بر برینه متصل اون قدرت
 باب دکان عندالمزایده بیک التیوز اون لیرا بدل ایله
 طالبی ههده سننده تقرر ایتمش اولغله تاریخ اعلاندن
 اعتبارا اونوز بر کون ختامنده قرار قطعیسی ویر یله
 بیکندن زیاده به طالب اولنلرک مدت مذکوره ظفنده
 اسکدار اجرا دائره سنده مراجعت ایلمری اعلان
 اولنور

دستورک دردنچی جلدی

دستورک دردنچی جلدینک طبعی ختام بوارق
 میدان انتشاره قوناشدر . اشبو جلدک حاوی
 اولدیغی قوانین و نظامات «ملکیه» و «علیه»
 و «عدایه» و «مالیه» و «رسومات» و «معارف»
 و «تجارت» و «نافعه» و «بلدییه» و «بحریه»
 و «متفرقات» دیه اون بر تقسیمات اساسیه به منقسم
 اولدقلری حالده یوز سکسان قدر قوانین و نظامات
 و تعلیماتین عبارتدر که بونلر شمدی به قدر و جرده
 کتورلش اولان اصلاحات عمومیه به عائد شیلر
 اولدقلرندن اصلاحات جدیدنک صورت عمومیه سی
 جامع پک کوزل بر مجموعه مهمه تشکیل ایلمشدر .
 طوغریدن طوغری به باب عالی طرفندن اداره اولان
 محله مخصوص اولان اشبو قوانین و نظاماتین
 ماعدایینه دولت علیه نك بر ولایت مختاره سی دیک
 اولان شرقی روم ایلی ولایتک نظام اساسیه سی یله
 متفرقاتی دخی بو دردنچی جلدده ذیل ایلمشدر .

شو حالده ۱۱۳۰ صحیفه و ارمقده بولنان اشبو
 جلدک الافرانقه مجلدی ایچون الی و اجزاسی
 ایچون قرق بش غروشه فیئات وضع اولنلرین
 بالجله کتاب صاتیلان محله ده فروخت اولنمقده در .